

宋詩紀事補遺

宋詩紀事補遺卷之二十二

歸安陸心源伯剛父輯

陳伯疆

明州人熙寧九年進士歷官右正言忤蔡京被黜建炎中官其一子

昌州

昌國古要區人物屹相望功名刻高崖粟帛賜滿箱
輿地紀勝

東地軟橋路平口得皇祐詩家名粟帛之賜豈數
有花柳向人空復情輿地紀勝

陳履

熙寧九年知全州

遊碧落洞

碧落傳聞久茲來列彥同草沾遊士屐臺掘大王風
一洞流元始雙崖鑿混濛天然自奇絕不惜五丁功
韶州府志

王孝先

熙寧十年永興提刑元豐二年主客郎中七年
大理卿元祐二年朝散大夫都水使者四年知
濮州六年司農卿見通鑑長編又王祖道子亦

名孝先紹興丙子廣西轉運判官

通雲亭

小亭高古占城闌地迥全無一點塵時有行雲自來
去晚來施雨欲留人

輿地紀勝

柳安道

熙寧十年比部員外郎知台州

題共樂堂

平波數頃萬峯前一片丹青畫不全幽榭小橋橫翠
水茂林修竹鎖輕烟綺羅絃管追懽地雪月風花爛
醉天爭奈及瓜歸覲去湖山無復苦留連

天台續集

吳革

字孚道魏夏津人大父用久滁州全椒令遂爲
全椒人熙寧進士爲襄州司戶遷池州貴池令
改秘書省著作佐郎知建平縣通判韶州移知
南雄州知吉州除湖南轉運判官元祐三年卒
于官年五十三見山谷集二十二

題李進士

綱連雲玉山圖像

玉山嵯峨白雲裡翠樓鴻濛插天起千丈芙蓉雲作
梯玉龍翻然吼秋水山中隱人雲錦袍掉頭不受柯
山招玉手廣寒修月斧躡雲每向雲間樵朝采山花

樹暮拾古木枝俯仰隘六合間與白雲期白雲飛來
歸丹壑山人攬之不盈握袖懷五色朝天門捧日綰
縕散寥廓左挾丹鳳翔右驂青龍翔搜材盡作廟廊
具紫極出入生輝光燦逐芻蕘人局促涅塵土白衣
蒼狗徒紛紜萬變目前何足數舒展豈無心祇在深
山處四海蒼生望太平濟旱終須霽霖雨我亦巢雲
廬雲山看花早種東華蓮南歸何日分半榻撫掌一
笑三千年

平江志

案宋有四吳革一華陰人死張邦昌之難宋史
忠義有傳一見繫年要錄紹興四年直秘閣江

西運副一江西德安人理宗時知建康府攷平
江人李綱皇祐進士與此三人時代皆不合惟
全椒吳革曾官湖南與李綱時代却合

吳賣

武進人熙寧進士

題竹軒

虛室澄心近竹開雪中無事共徘徊不須翠相亭前
見自有清風座上來林小未宜輕瘦節歲寒方可看
高材支公適好誠何在豈謂香嚴擊後雷

天台續集

李端

武進人熙寧進士

合澗泉

碧水映丹霞，濺濺渡淺沙。
暗通山下草，流出洞中花。
素色和雲落，喧聲遶日斜。
明朝更尋去，應到阮郎家。

宋詩拾遺

黎持正

雙流人熙寧進士累官屯田員外都官員外郎
見蘇魏公集

賦新繁周表權如詔亭

義教名亭梗槩存，要將詩禮及雲孫。
當年偶出嚴君

意後日冥符內使言座礪撥酷披茜綬人觀新榜駐
高軒汝南盛事誰能得未獨于公納駟門成都文類
孫漸

眉州人熙寧進士官溫江令又眞州人昌齡子
熙寧初太廟齋郎未知孰是俟攷

過南華

挾策自弱齡周覽南華書茫然訪道志欲駕將焉如
揭來南華道始識其故墟塵跡寄委蛻萬事同遽廬
想其爲吏時傲世樂有餘天地等毫末軒冕同錙銖
三公禮華戶萬乘尊褐夫去古邈已遠澆風日淪胥

得喪嚇腐鼠怒悅紛眾狙材否笑鷺雁斷續傷鶴鳬
釣臺已湮沒漆城復荒蕪恨不見斯人逍遙與之俱
還滄以反樸撫俗歸黃虞神交付恍惚日暮猶躊躇

山東通志藝文

遊驪山

曉促零口征晚留華清宿彌月倦紛埃晞髮連湯浴
夜雨鬧庭梧漏長秋睡足平明徑欲西霽色開林麓
遂作朝元遊聊放千里目嵯峨北來橫渭水東轉曲
坡田散牛羊沙岸翔鳬鷺爽氣襲衣裘青烟生井屋
憶昔唐天子承平溺愛欲翠輦拂行雲鉤陳裏幽谷

遺址今尙在繚垣半顏覆玉像暗眞僊石槽標飲鹿
羯鼓寂無聲連理空餘木長生豈難求有道書丹錄
淚未忘馬鬼恨已悲金粟往事寄冥冥芳草依然綠
陝西通志

林槩

字端夫福州福清人舉進士知長興歷官太常
博士集賢校理宋史儒林有傳

題曲水閣

勝絕千巖地清涵一水濱石泉寒繞澗山木翠和春
秀入壺中望幽疑物外身賢侯眞足賞王謝有芳塵

鑑湖月夜行舟

湖光如鑑月如珪
月下湖中兩槳飛
鶴擎四垂冰骨爽
夜深疑自廣寒歸

剡郊野思

密樹芳穠碧草齊
春華微度綠陰低
谿連暎水興何盡
路接仙源人自迷
落絮有情風上下
好花無語日東西
故園桃李經年別
一望歸心遶翠蹊

越中五詠

越絕烟光隱翠微
蘭亭春色送行衣
風清漢相鳴樵徑
臺古任公落釣磯
繡被歌殘人竟遠
桃花源靜客

忘歸憇君莫上泰山望千古驪宮對夕暉

野望讌集

碧樹陰濃曲沼濱賞心何處樂遊頻東吳景物蘭亭
晚西洛烟光梓澤春香散落梅忘怨笛綠鋪幽草妬
芳茵風雲流散苦無定且學陽池倒載身

離席

何處驪駒雜楚歌楚人歸思託雲蘿河陽望竟妾心
遠金谷別來郎恨多往事一春空物態閒情千里舊
風波歸時莫聽隴頭水腸斷不禁年少何

西邨

綠郊凝望久徘徊落日川原映古臺江上晚風三弄
笛隴頭春信一枝梅東西陌外烟光度紫翠峯前霽
色開不是羅敷莫迴首城南五馬使君來

野塘

漠漠橫塘一水通霏霏輕藹夕陽中吳娘晚唱穿菱
葉楚客春心託蕙叢烟外蒹葭閒倚路波間舴艋半
凌風江南景好游人去二月大隄花豔紅

以上會稽
掇英集

陸說

字介夫餘杭人第進士熙寧中撫西夏靖交趾
之難官至龍圖閣學士知成都宋史有傳

興安乳洞

深沈三洞啟眞都萬乳千葩狀絕殊馳驛方朝金闕
去滌塵來飲碧琳腴

宋詩拾遺

蔡延慶

字仲遠其先洛陽人第進士熙寧中累官尙書
祠部郎中龍圖閣學士攝熙帥元夕張燈羌伏
兵舉火延慶悉斬以徇官至吏部侍郎宋史二
百八十六附蔡齊傳

靈巖

靈巖川上白雲深十里青松晝自陰遠寺幽佳傳已

古名山絕勝冠於今羣峯環翠凝秋色危壁飛泉瀉
暮音此景去爲風月主五湖應不起歸心

靈巖集

許遵

厲有

廬州

金鑾失職下蓬瀛也向淮邊領郡城堆案簿書爲俗
吏滿樓山色負吟情廬江地近音塵斷何遜詩來格
調清未得尊前一開口可憐心緒獨搖旌

輿地紀勝

呂南公

厲有

哭劉郎中

仕則慕貴顯貪仍憂子孫陽窮詐恬淡此道久滿門

嗟乎郎中心違眾輒十分登科未弱冠白首兩朱轡
笑談傾一坐絕口勢利言遙聞朱頓流索水洗耳根
服不至布絮食不辭羔豚自然清白行皎皎不可昏
杳杳浚郊縣蕭蕭栢林原節士今已矣誰表三尺墳

謝鄰翁

窮秋我何事歲計聊支隼割稻三萬升栽松三千本
辛勤完廩庾顛倒糞畦畛爲有空腹憂能忘此時謹
松肥競垂陰稻美方聯稊自喜在邱園年衰且優穩
天功偶不助人力翻爲窘彌月雨連淫交冬霜不實
蔬長資有綫穀濕春多粉厚望乃無聊蕭如被宮臚

今朝二十九看厯驚秋盡臘去都幾何陽烏尙高隱
鄰翁巧譚話念我頻嗟憤杖插肯經過單辭稍牽引
上論穹昊意皆嘿難裁忖下說倚伏端回環恆切近
熙寧大丞相周孔登台袞手運道德樞生靈藉鍼診
勞神十五載坐許無遺恨歸臥睫未交紛紜見矛盾
推稱忽排毀歌咏俄吟嘔藹藹攀附人層霄墮污溷
前愚初是智昔禹今成鯀譬彼羹碗衣倉黃可漉菹
問君官際會何似農蓀蓑而以望小乖使同身大疾
飄風將暴雨自古稱豪敏邂逅不崇朝誰嫌類榮槿
羲和與青女會見驅軫軫晝暖夜嚴凝安知不相趁

低徊向翁謝老語眞明允慚愧失路賢吾貧固當忍
王戊歲歸治西村居奉答次道見寄長句

蕭蕭白虎殿潭潭承明廬人皆通籍游我獨老飯蔬
譬彼笑談吐豈其惡甘腴道窮吾何之只得歸荷鋤
盛夏督耘耔先春理陂渠低徊居未寧倏忽歲又除
但怯簿有債誰羞門少車載歌裹飯辭謁酒聊自娛
念子早奮拔聲華係名駒誰云破青衫罪謗更勃如
朝野固異分知安盡夷途牛衣與樵歌各是對妻孥
君益惠竹杖

衰來病眾難推盪日覺筋骸非壯長百畝鋤耔致苦

辛萬端應接皆牽強稀曾起處鐘漏盡多是歸時星
月朗滿腹經綸一意閒瘦田頭緒重新請偶逢過客
語文字突兀破壞如夢想太息詩書不救飢幾曾貨
利誰能倣故人憐我晚愁瘁委曲相寬三復兩卒歲
嘗分蔽骭衣方春又贈扶身杖修顰一竹信瑰特知
自何山精產養數節包紝鶴脰連碎花黝糾彪皮爽
題攜宛勝冰玉滑頓卓便同金石響野老生看每問
名耕兒熟見仍私獎未諳黃鉞端許制久慣青藜饒
俗狀靈壽材堅負曳勞朱藤飾僞功程枉何如得此
青峭幹本與雪霜爭氣象舊俗遺根未陸沈末年遇

主成眞賞已將蠟屐作游伴更共文簪爲靜黨測渡
無憂石澗淹助跳肯畏泥坑廣時修彊畎便指畫自
收鷄豚誰放蕩差可撻蓬訊髑髏豈徒關野披榛莽
傾危屢濟功轉積安穩利征吾濫享輒莫孤飛向葛
陂要當受誣敲原壤古人五十徇鄉禮我爲困窮聊
早上畫戟彤弓且勿思蒼顏荷篠西村杖

小港書事

破屋照山垆山民問筆耕日無賓接戲夜厭鼠橫行
被服煙埃色呻吟老病身不知齊魯士甘此欲何成

送人遊邊

六月洮河上驚颶雹似拳遊人方策杖元帥已開邊
京觀酋豪肉軍儲府藏錢參謀如有取常在武周篇
我愛王忠嗣兵威萬里橫只知精士馬不忍幸功名
四印無矜色三邊有肅聲未知誰願此徒用送君行

病起

病起興蕭蕭餘魂次第招悽酸攻意氣衰極入風標
納帶驚腰緩移梳恨髮凋何心希此世只合順無聊

八月十四夜小雨

小雨遮空意未迴輕風迎夜勢初來青樓月好人何
在錦帳燈寒扇自開四七功名眞土芥一千期運亦

烟埃會須放縱雲雷手不到人間有剩才

偶書所懷

鳳凰臺上已層軒桃李分香到几筵曾與故人同一
飲試思前事已三年歌歡舊興知何在衰颯新愁祇
自憐縱使春風容病跡亦貪牕下枕書眠

枕頭見白髮

未老先斑豈自由可憐蒲柳已先秋不緣遷染應非
俗若有梯媒必是愁老蝨縱嫌相閒別素絲何害共
風流塵勞興味吾諳盡肯似豪人諱白頭

陪道先兄游麻源

循得籃輿便出城山光門外望西行
昨宵偶雨路塵少今日好風林靄輕
有竹人家庭院秀避騶樵客面
顏生溪田橋北駝鞍嶺猶記當年志未平

以上灌園集

許景亮

字少明温州瑞安人數歲能詩熙寧中補太學
生三試禮部不第上治說二十篇不報遂歸居
邑之東山躬耕晦迹政和二年卒年五十七

池集許少

明墓志

陶隱居丹室

金鸞亂舊直鶴駕脫塵氛眞隱雖高世嘉謀亦相君

石壇移曉月丹竈覆寒雲瑟瑟松風在時人自不聞
宋詩拾遺

呂仲甫

字穆仲丞相文穆公蒙正孫熙寧中以京寺丞
爲杭州察推與東坡唱和元豐七年提點河北
東路刑獄紹聖中爲發運副使元符元年移江
淮荆浙路爲直秘閣知荆南二年坐奉使淮浙
用妓樂宴集降一官

題萬年妙蓮閣

千尺杉前帝釋宮種蓮不用百花叢石橋路近橫天

外池水光寒坐檻中紅日几窗新活計白雲香火舊
家風虎溪社客今憔悴此意憑誰謝遠公

天台續集

馬臧

合肥人熙寧中提舉永興路常平九年以王韶
言改太子中舍權發遣江西轉運判官十年移
荆湖見長編

遂寧好

遂寧好勝地產糖霜不待千年成琥珀直疑六月凍

瓊漿

興地紀勝

趙槃

屬有

送梵才大師歸天台

建刹存眞意崇臺表大因中藏般若偈外護赤城神
花雨長霏晝松風自掃塵
媿心同范甯蓮社阻相親
昔遠公嘗招范甯入社甯乃曰養
親從官媿謝而已
天台續集

李甲 厲有

題竹和東坡韵

翠葉彤竿已占先
湘雲千疊勢爭翻
野夫不識天人面
知是虞皇第幾元

見遠橋

在超果寺前
舊有亭

高僧欲縱目橋上構橫亭
野水茫茫白羣山點點青

客帆風送葉漁火夜移星看盡黃昏景天涯一晝房

以上松

風餘韻

魯有開厲有

留題釣臺

昔日狂奴向此來愛垂芳餌上崔巍鄉人不識釣臺

意空指山頭是釣臺

嚴陵集

任伋

字師中眉山人與兄孜知名于蜀號二任熙寧

中知瀘州元豐四年卒年六十四見宋史任伯

雨傳及淮海集

何修別墅

榆錢莫買城南春柳絲莫繫城中人

輿地紀勝

賦新繁周表權如詔亭

盡道君家教育深義方高作靄儒林綵衣已是眞郎
貴紫詔方旌昔日心鯉每趨庭惟獨立鶴常和子自
鳴陰此之能事人方信勝積籛中十萬金

成都文類

遊安樂山

安樂溪上峯萬木森翠羽孤撐切天心橫拓壓坤股
氣勢西吞夷光芒南定楚雲泉出石竇淋漓洒玉宇
烟蘿纏林梢搖拽垂翠組

輿地紀勝

曾布 厲有

眞仙巖

鑿成巖穴鬼工難中有神仙自往還不見桃花開落處祇隨流水到人間

廣西通志山川

曾公巖次陳倩韵

從事區區厭對賢尋幽深入翠微間旋開榛莽東郊路偶得神仙舊隱山都嶠三天臨瘴水

口口有三洞天外山有瘴

江靈巖十里接溪蠻

融州靈巖號眞仙巖然口境近接溪洞距桂林十舍而遠何

如咫尺隣風穴杖履時時一往還

廣西通志金石

眞仙巖和劉誼韵

神仙遺像出天真造化胚渾豈易言訪古尋幽空有意白頭軒冕感君恩

鹿龍高躡九霄難共駕仙車去不還遺跡至今空有

檜不知蟬蛻此山間

亳州有老子升天檜鹿龍跡尙存

劉渙

字仲章保州保塞人陝西轉運副使尙書刑部員外郎直昭文館熙寧中至工部尙書致仕宋史附見父文質傳

興慶池禊宴

清明佳節屬良辰行樂東郊宴席賓風柳不勝春氣

力露花無奈曉精神管絃遠近青堤上樓閣高低淥
水濱多少艤舟何所用府公便是濟川人金石萃編

王伸

蜀人家長安熙寧中爲岐山宰紹聖中知永州
其居第園圃號隱堂見東坡集及石刻

題浯溪圖

湘川嘉致在浯溪元結雄文向此題想得後人無以
繼高名長與白雲齊輿地紀勝

王古

字敏仲旦曾孫第進士熙寧中司農主簿歷官

戶部侍郎徙兵部進寶文閣待制遷直學士知
成都入黨籍責衡州別駕復朝散郎卒

妙峯寺

修徑轉巖阿危亭臨木杪清明江練直紫翠山屏繞
林巒獻奇秀圖畫極天巧松杉韻輕風笙簫奏雲表
心知游魚樂目送飛鴻杳浮生黃梁夢幻事何時了
惟應觀勝妙坐可清紛擾豈須登泰山閒看諸峯小
舊江西南志

康衛

字寶臣熙寧中厯官朝散郎大理寺丞知康州

集賢修撰河北轉運使廣西轉運使提點刑獄
見摛文堂集廣西通志

七星巖

天墜北斗精人間書景福巖石駢七峯漠漠太古色
磅礴壓洪濛宰律磨蒼碧中涵大穴洞外與風雲隔
千夫廓有容萬狀成叵測谿衍露肝膽槎牙列矛戟
伏如龍虎臥起若將士立西竅通天關虛明數千尺
豁然一罅入寂閔燃燈燠幽秘若爲藏閭闕不可極
龍牀一鳥鷖宛若蛇蜒跡龍井下太陰彷彿被元幄
豈伊鬼神祕乃是造化力江寒烈水涯春盎回陽律

炎光流大地淒涼入人骨四時幹元氣可燕復可息
平生謝康樂不廢登山屐蓬萊在人世昧者恆弗識
達人昔來遊題詩滿青壁駸駸歲月深慘慘烟霞積
絕唱者何人清新壓元白鑄石苟無分靈怪亦我惜
緬思融結初六丁萬斧擘

廣東通志
山川畧

過端州

峽外煙雲迤邐開人家門戶小樓臺青山淥水應相
記二十年前到此來

過康州

昔時曾此牧黎元屈指光陰二十年別後每思佳景

物再來重覩舊山川因罹兵革成彫弊忽訝閭閻盡

改遷

皇祐中經蠻寇蹂踐

故吏老民皆白首使君髭鬚亦皓然

金石

續編

黃革

侯官人熙寧時進士

壽傳守

夢帝資良弼實鍾臯祖之遺風來日是中元復
應相儒之嘉會慶同家國歡動華夷矧兩蔭於
潛藩已交孚於善政一兩三日商霖已作於此
時萬載千秋彭算願符於善頌

來日中元毓寇公萬年事業一朝同入陪清切星辰
履出奏循良屏翰功棣萼一時騰最洽棠陰兩紀繼
遺風陰功數卷書金簡遐算應須等岱嵩

截江網

王素

厲有

受代還自越中早發赴浙江潮

三載勤吏職去思乏毗謠還隨半夜月又趁五更潮
驚棹辭枉渚揚帆信歸颺山陰多勝託小隱欲相招

會稽掇英集

御愛山

當日蒙塵厯險艱得逢蒼翠喜開顏吾皇高拱巖廊

上只愛生靈不愛山

漢南府志

溫泉

妃子當時已塵土華清今日盡荒涼後人不管唐成敗猶自嚴扃道御湯

臨潼縣志

張賁

熙寧間仙遊尉

題招提院靜照堂

餅錫爲生久門闌過客疎口閑見真寂燕坐此清虛事事皆身外悠悠度歲餘如何繁草木還長舊庭除

嘉禾志

張師顏

熙寧中梓州路提刑都官員外郎司封員外郎
見臨川集累官尙書刑部郎中同提舉在京諸
司庫務

送程給事知越州

才臣新命輟卿聯漕挽于今委重官一道去蠲民疾
苦重江甯恤路艱難行舟使節威聲遠祖帳都門暑
氣殘奏課仁聞居上等歸來恩異聳羣觀

會稽掇英
續集

張岫

字子堅滎陽人著作佐郎熙寧中知明州改提

舉兩浙路常平廣惠倉

玉華山

玉華山誰窮遠近百里迴旋勢方盡削成蒼玉倚青
天氣象軒軒獨奇俊黃河哮顙摧崑崙一峯飄落如
龍蹲白雲低垂半巖腹茫茫日輪平地奔驚湍瀑流
飛辟厯松根巉巖裂石壁洞門晝閉不知深仙人瓊
漿滿杯碧飢飈啼煙猿嘯風子規聲哀愁滿容山鳥
嚶嚶繞喬木唯有黃鸝鳴啾啾翠華迢迢來避暑飄
然陵雲欲輕舉當時此地最清涼九成翠微不足數
玉鞘聲斷宮殿閑大龍飛去髯難攀川巒如舊人事

變但見明月留空山 金石萃編

張伯端字平叔後名用成號紫陽真人天台人熙
寧中任四川節度制置使安撫司參議遇異人
傳火候之秘元豐間留偈入寂

贈桂林白龍洞劉道人歌

兔走鳥飛兩曜忙始聞花發又秋霜徒誇錢壽千來
歲也似雲中一電光一電光何太疾百年三萬六千
日其間寒暑互煎熬不覺容顏暗中失縱有兒孫滿
目前却成恩愛轉牽纏及至精絕身枯朽誰解救君
暫駐延暫駐延既無計不免將身隨水逝君看古往

聖賢人幾箇解留身住世身住世也有方祇爲世人
誤度量競向山中求草藥伏鉛制汞點丹陽點丹陽
事迥別須向坎中求赤血取歸離位制陰精配合調
和有時節時節正用媒人金公姪女結婚姻親金公偏
好騎白虎姪女常駕赤龍升虎來靜坐秋江裏龍向
碧潭奮身起兩獸相逢戰一場波浪翻騰如鼎沸黃
婆丁翁助威靈撼動乾坤走神鬼須臾戰罷雲氣收
種箇明珠在泥底從此根芽漸長成隨時澆灌抱眞
精十月脫胎吞入腹忽覺凡軀已有靈此箇事世間
稀不是等閑人合知夙世若無仙骨分容易教君得

遇之得遇之宜速煉都緣光景急如箭要取魚時須
結罾莫祇臨淵空歎羨聞君知藥已多年何不收心
煉汞鉛莫教燭被風吹滅六道輪迴難怨天近來世
上人多詐盡著布裘稱道者問他金木是何般禁口
不言如害啞却云服氣與休糧別有門庭道理長君
不見陰君破迷歌裏說太一含真法最强莫恠言辭
大狂劣祇爲世人無鑒別惟君心與我心同方敢傾
懷共君說

臨桂劉仙
巖石刻

案劉景字仲遠桂林人也嘉祐末得是歌解化
于此崑

男侍讀銜內閣中書樹藩校

宋詩紀事補遺卷之二十三

歸安陸心源伯剛父輯

張紘

字君儀熙寧中以郎中知邵武軍

伏承知府伯常度支宿熙春台輒成拙詩上
寄

雲藏雨意明還暗水激溪聲斷復來恨君不且留千

騎同折巖花對酒杯

福建通志古跡

陽孝本

孝本字行先上猶人熙寧中游上庠蘇魏公薦

不就隱贛之通天巖蘇文忠海外歸過之號爲
玉巖居士崇寧初以經行優異薦於朝官至直
秘閣

酬贛守

家世中條守素貧塵編堆積最繽紛未甘末俗成虛
老却笑勞生漫逐羣釣罷嚴陵灘上月持將巢父嶺
頭雲比鄰莫說柴扉陋旌節曾來有使君

江西詩徵

酬贛守

六槐何日起商巖未許蟠龍臥碧潭天下蒼生還有
待郡中善政卻無慚錦囊珠玉成唾咳綺席風雲出

笑談千載通天蒙品藻恐教虛譽滿江南

贛州府志

張杲之

熙寧中華州下邳令累官著作佐郎台州臨海縣見蘇魏公外制及赤城志

題迎薰閣

虛閣勢崢嶸高陵涿鹿城前瞻青巖巒下闕碧澄沆
弊宇隨時去雕甍不日成佳蓮供夏景喬木送秋聲
乳鷺欣雙入北鴻想萬程風生舜絃古月射庾樓清
隱隱分行客憧憧憫細氓慙高愁白矢懷遠恨難平
賞縱棋兼酒吟羞石對瑛炎蒸登覽者方愛此嘉名

山西
通志

陳懌

熙寧中殿中丞知端州

過端州和康衢韻

舊歷江山眼重開平成搖轡賞嵩臺

後歷巖古號嵩臺石室公巡按

之餘因而至焉

晉康假道昔爲守按部今持使節來

過康州和康衢韻

民居城柵盡非元唯有江山似昔年聽訟棠陰遺舊

址儂賊作過郡舍焚盡

按行臺旆照晴川重來自喜恩風治別

後常嗟歲月遡道側老人曾臥轍拜迎相顧倍怡然

金石
續編

俞斌

字君玉見彭汝礪鄱陽集集中與君玉酬唱頗
多熙寧中歷官員外郎知封州知瓊州

孫氏池亭

壁介山水間幽棲愧尸祿眠食行坐處山光水聲足
嗟我心未厭出郊搜勝躅嘗聞隱者居永爲人所目
素商適丁序天空老林麓飛鞭走崇岡惟恐到不速
捫蘿出孤險果得烟霞谷神仙何元怪刻劃乾坤腹
囊括幽絕景所謂天下獨門前白石溪丁當漱寒玉

山泉落雲頭漫漫泛餘綠靜聽宿鳥吟閒看浮鷗浴
萬古仇池穴何日此鑄築欲探龍領珠潭深怯獺毒
瀑布想匡廬香山葺茅屋松窗風浪搖石徑苔蘚覆
樓藏未見書園挺耐寒木清風誰共延牆頭萬箇竹
造化曲盡情遠引空汀東陰寂窟蛟蜃雨鬣生晴燠
孫氏何代賢據此傲浮俗崖留五君詩塵埋不可讀
殷勤補訛缺磨寫筆屢禿開亭追古踪仙遊一朝復
自慚縛冠冕暫到不得熟何時酬素心歸來免榮辱

通江
縣志

北園雜詠

壁山僻陋戶口少兩衙之外惟高眠

輿地紀勝

毛維瞻

屬有

白雲莊

歸去携家住白雲雲中猿鶴許同羣陶公酒後詩偏
好疏傅金餘客屢醺芒屨潛行逐漁釣壺漿時出勞
耕耘卽看人世應微笑未熟黃梁晝夢紛

瑞州府志

山房

東晉仙人借舊山定應天意許公閑郡人欲問使君
處笑指峯巒紫翠間

俞充

屬有

王官谷十詠 并序

王官谷山水之勝甲於關右由司空表聖所嘗
居名尤著於天下好事者道出虞坂必枉轡以
遊之灑滌塵慮想慕清風隨其人所得皆有以
爲樂題名滿山巖屋壁獨詩篇未甚聞於世豈
騷雅之客多牽於車馬之勞不暇作耶抑有之
不能傳耶不然何遺之耶予爲令於此三年暇
日登覽王官之景盡得之矣因成十詠自顧其
詞之鄙俚不足以暴人之視聽更冀當世之能
詩者其賦之將以揚山川之清輝發古人之潛

德云

竹逕

入谷修竹密蒼翠連前山車馬亦不到雞犬音亦閒
蔽日清影合迎風碎聲寒漸近居士廬溪水流潺潺
表聖影堂

事去惟山存遺祠臨水曲峻節凌雪霜英顏瑩冰玉
至今崖壁間尙耐塵埃辱清風滿林泉千載仰高躅
天柱峯

擎天有八柱是峯居其一根蟠地軸壯羣山俯爲礪
共工觸不折萬古聳崒嶺幽人步絕頂引手攀星日

瑩心亭

野老傳此水源與洪河透潺潺浩難窮雨雹灑晴晝
巖頭白龍挂灘前寒玉漱不見瑩心人客衣冷如漚
山居記曰瀑布之亭曰瑩心

雙人石

在天柱峯東

屹立高峯東峭直如昔賢夷齊耻周食巢由傲堯天
不畏風霜侵所依松栢堅五老靜相對森森莫知年

機磴

誰鑿沌渾死智者爭出力悠悠蟻在磨雙輪轉何極
機心運機械隨流還不息莫笑抱甕翁終日亦飽食

貽溪懷古十篇

并序

唐衰全忠僭竊士之有忠義之心者皆深嫉之而能灑然脫去不污其身得全其節者表聖一人而已予令於虞表聖之居適在境內造其祠拜其像想慕其平生爲之賦王官谷十詠更邀世之能詩者和之以發揚其潛德奈何士之知表聖者以休休莫莫而止耳予近得表聖一鳴全集觀之至於一歌一詠一亭一榭意皆有謂非若世之隱者自棄於山林之中無心於及物也信乎全出處之大節踵夷齊之高風矣復成

貽溪懷古十篇不揣俚鄙亦求和於諸賢以表
聖之德固不待夫歌詠而後見於世人之知與
不知豈足恤哉然予區區反覆之若是者蓋示
其仰慕之切也咏其名而揚其實庶幾有激于
貪懦將歸寫於休休亭以遺谷中之民使春秋
社會樵童牧子相與歌於祠之下以奉先生之
祀雖愚夫愚婦皆知先生之德久而不忘其祠
焉

濯纓亭

皎皎居士纓豈有塵可濯愛茲滄浪清偶以斯名託

轉谷羣鴿歸衝岸游魚躍簷頭碧梧枝秋來垂影薄

覽照亭

山居記曰上方之亭曰覽照

杖藜高山頭歷覽眾景會泰華屹若屏黃河瀉如帶
幽懷逐冥鴻萬事寄天籟不見玉京春荒烟起蕭艾

三詔堂

猛虎正橫行孤猿發長嘯名高世人間三枉鶴書詔
借笏趨朝參天意獨難料咫尺首陽山清光靜相照

瑩心亭

山居記曰懸瀑之亭曰瑩心

妖氛滿世間瑩心茲得地瀑布巖前飛勢猛鷗鳥避
洗滌無纖塵澄虛全浩氣清風林表來千載有餘意

九籥室

仙術秘丹經昔人藏九籥幽棲白雲根保此一爐藥
吟殘深雨來夢斷巖花落萬慮正坐忘未能看舞鶴

修史亭

表聖嘗著
擬綸密史

吁哉土德衰羣姦恣蠱賊欲加肅斧誅修史乃其職
誰知深山中法若春秋直俄驚濟陰變絕壁幽宮側

擬綸亭

大厦不可扶詰命已云絕老臣坐深林有淚化爲血
擬成絲綸言救世心獨切溪流今尙清夜夜澄孤月

掛鶴臺

汙俗正朋亡歸來臥空谷養鶴不成雙相從守幽
素羽信非羣孤唳杳無續高臺委荒榛追想人如玉

一鳴牕

天寒松栢青廐閑騏驎老瀟灑竹牕前超然鳴以道
惟有巖上月時來伴幽討茲意不可忘還將拾殘蘂

東渠亭

王官谷東西二渠水表聖定法
谷中人以時用之至今不廢

二渠日夜流利厚爭所起先生坐東亭立法書在
老農到今守後來誰敢毀斯人不可見空聽竹間水

以上山
西通志

蕭闕

熙寧間知惠安縣

留題曹娥廟

屈平以楚死死濁不死清伍員以吳死死暗不死明
死者人所難一死鴻毛輕壯哉二子爲留得不死名
曹娥以父死年齡童未成抱屍出洪濶非可二子并
二子諫不從齊秦韓魏征娥若不之死父葬鱣與鯨
二子死以介娥死以孝誠於今會稽人事之如事生
娥若生堯時舜不妻女英娥若逢孔子娥名書孝經
娥父若墨子豈止爲緹縈蔡邕不知娥但愛碑上銘
我來拜下古木寒雲橫往往大江水猶作哀哀鳴

安得娥有知爲我神陰靈鼓此大江波注入四瀆平

洗濯天下心皆行娥所行

會稽撥
英集

馮信可

字損之彭山人

桃源圖

桃源東迴溪轉長桃花開時春日光幽禽出樹亂紅
落游魚吹花流水香山人正住溪之澗屋角花開自
成塢尋源未許武陵人隱者但作桃花主拄杖穿花
來水頭禽魚亦解識風流往來況有樵雲叟何惜銜
杯同唱酬一尊如出桃花色花落尊中已無迹醉鄉

冷冷白日閑黃塵滾滾青山隔明年此日桃花開何
人淨掃溪陰苔我亦天台約劉阮春風一櫂酒船來

湖南通

志山川

胡奕

熙寧時安定人

澹山巖

一景曲彎彎初遺號澹山崖邊烟草亂石上雨苔斑
客往長時望僧居永日閑幾迴將欲去心只在巖間

湖南通志

金石畧

張翥

龍溪人熙寧時同安縣尉

薛嶺

衣冠陳氏族桃李薛公園場老遺文古巖僧舊跡存
苔磯荒磧岸金榜勒瑤琨已憐松特異尤喜石能翻

同安
縣志

樂沆

熙寧時官殿中丞

休休亭

貽溪澄澈玉峯寒居士當年此考槃訪得遺基青華
下構成危棟白雲端人間日月雙輪轉世外襟懷九

鼎安醉魄吟魂如未泯也應謝我數盤桓

山西通志

練潛夫

熙寧間祁陽令蔡瓊建笑峴亭潛夫爲之記

遊層巖并序

遊層巖觀提刑朝請張公熙寧初令營道日題
刻土人云異時山夔木怪之所憑依頗爲人所
患苦自公留題無復盼蠻興言感歎輒成古風
一篇

朝尋白鷺山夕次層巖曲中虛谷窈窕一水流其腹
澄渟注淵齋冬夏不盈縮初疑有神物毛骨森戚促

魂驚不敢吐髮膩不敢沐跨梁怛臨深矧敢濯余足
聞昔宅祕怪蒙鴻狀河瀆黃昏嗥猩鼯正晝飛蝮蝮
豚肩走巫覡歌舞神所欲尋幽到其趾精爽戒託宿
張公熙寧初曾是舒幽獨鐫題百許字煥爛奪人目
幾呵護守嚴百魅不敢觸往往風雨夜啾啾鬼神哭
乃知正直士所至卽蒙福往時元次山今日蔣穎叔
或錢陽華銘或刻舜祠錄與公成三人萬代仰高躅
因書巖石間聊用美淇澳

湖南通志山川

曾宰予

字子翊撫州人

寄荆公

時居官舒州

官居隱几望瀟山不似茅簷舊日閑
顧我塵沙添白髮
伶君道路失朱顏
江涵秋潦鱸魚美
岸入春風荻笋斑
此味縱佳吾不樂
惟思一馬返鄉關

輿地紀勝

吳恂

字德夫興元人元豐元年豫章法曹

偈

中無門戶四無旁學者徒勞捉影忙
珍重故園千古

月夜來依舊不曾藏

羅惲野錄

滿中行

字思復山東金鄉人元豐初爲國子監直講著作佐郎擢館閣校勘三年爲太子中允權監察御史裏行累官知無爲軍知相州充北朝國信使尋守起居郎元祐元年御史孫升論中行陰附柄臣排詆王安石禮出爲直龍圖閣知明州著有昌邑集二十卷

題耿氏溫清堂

密牖疎櫺次第施卻寒清暑兩相宜惟知堂上雙親樂不覺人間四序移美酒先春和氣滿茂林亭午綠陰垂閒居就養如君少無負南陔孝子詩

江陰縣志

劉宗傑

字唐輔永安人元豐元年以太常博士權發遣提點廣西刑獄公事九月授尙書屯田員外郎

曾公巖

謝公高興在東山尋得仙巖郡邑邊萬朶連峯凝碧乳一溪鳴玉逗寒泉由來物外無塵景須信壺中有洞天嶺服已安褒詔近莫將歸夢更留連

廣西通志金石

戴蒙

字正仲號無知子杜陵人元豐元年尙書都官郎中知綿州東坡集有送戴蒙赴成都玉局觀

詩

宿富樂山贈海公禪老大師

芙蓉溪畔石連松，殿閣崢嶸倚半空。
一念超居無色界，幾人長住廣寒宮。
佳賓喜上山頭月，密友時來竹下風。
除却少多元本物，泥牛哮吼任西東。

金石苑

邵叶

晉陵人元豐二年進士，元祐間宰新昌，視事之頃，芝生於室，黃山谷爲之記。

擊甌樓

駐旌元帥遺風在，擊缶高人逸興酣。
水轉巴文清溜

急山連蒙岫翠光涵輿地紀勝

麓陰亭

山齋路轉響灣泉一徑悠然涉翠巔滿眼祥雲繞法
供刊巖瑞像儼金仙元戎孝感諸天護古木歌題峭
壁鐫俯仰巖亭盡幽絕夜深燈火更流連

保甯府志

劉安世

字器之魏人神宗時第進士歷官諫議大夫寶
文閣待制蔡京爲相連七謫至峽州羈管宣和
六年復待制卒宋史有傳

南山

山屏石壁其巖嶽外鎖浮雲內日陰巖淨四時捐俗
慮泉聲一派潔塵襟搜吟得助騷人句笑傲忘歸逸
士心何日路穿松徑僻杖藜携酒再登臨

韶州府志

蔣靜

字叔明宜興人元豐二年進士調安仁令毀淫
像三百軀徽宗時以顯謨閣待制知壽州徙江
寧府移睦州官至顯謨閣直學士見常州志

翠光亭

君山堆翠出危尖練水浮光照短簷夜鶴曉猿同冷
淡胡床麈尾獨安拈雲來畫棟休過眼月到澄溪任

透簾還似棄官陶靖節北窗高臥怕誰嫌輿地紀勝

遊白龍山

駐馬白龍潭拂石青松下雲從潭底生風向松枝灑
風雲了無心聊隨白龍化勿謂雲風擾中含閒暇者

題毘山

四十年前掉臂游寺庭荒落易悲秋重來氣象渾非
昔滿院松杉翠欲流方外故人惟白骨壁間陳跡獨
銀鈞青春祇道堪行樂獨倚僧窗萬斛愁

洗心亭睡起偶題

黃粱未熟酒猶濃一夢南柯事已空水綠山青無限

好今來古往不知窮
龍吟竹笛秋江面
雪慘蘆花夜月中
清景阿誰偏
占得白頭波上釣
魚翁

以上江陰縣志

挽劉谷

行誼已書丞相筆
姓名還結裕陵知

他日如尋隱君子
女山深處一孤墳

常州志

蔡肇

厲有

題善卷洞

相鮮金碧照崔嵬
殿閣園林迤邐開
留戀白雲禪客少
寂寥青嶂曉猿哀
山川勝處天能巧
景象窮時石也摧
靖節遠公如可作
不應蓮社愧劉雷

天申宮

勝迹傳來不記年昔聞曾駐漢神仙赤烏方喜靈壇建白馬俄驚梵宇遷觀額自唐因記定官名至宋有珉鐫汀南福地雖云眾第一無過此洞天

遊張公洞呈知縣

髯仙御氣已超升崑洞千秋冷不扃若許煎鉛除白髮敢辭長鑊斷青冥壇場歲爲民祈福蒿艾時因鬼乞靈它日重來尋石髓絳雲深處讀黃庭

張公洞

鬚仙御氣歟雲扉洞戶千秋敞翠微寓馬至今來祕

祝芻靈聊復借餘威石房故劍龍隨勢空竈殘丹鳳
輒飛欲煉刀圭留齒髮山頭白鶴幾時歸

毘陵志

書靜勝院壁留別父老

青山雲半遮慘淡有離色溪水亦潺湲嗚咽當枕側
男兒四方志百年一行役山水亦奚悲我自本無得
父老挽我車灑淚半慘惻使君雖自力慙無理人術
舉手謝父老意厚難報塞

嚴陵集

送蔡駟守天台

天台四萬八千丈玉京五城十二樓欲乘西風跨獨
鶴直渡南斗騎牽牛麻姑長爪快搔背巢父投竿應

棹頭廣文物色分留在二妙能詩肯罷休

天台續集

張康國

字賓老揚州人元豐己未進士宋史有傳

石橋

路轉下層崖亂石通微徑山深萬象虛葉脫千秋靜
連苔蒼欲橫袞雪飛泉迸有覩邴可言寒烟日向暝

天台續集

李復

字履中長安人元豐二年進士愿官熙河轉運
使中大夫集賢殿修撰復博記能文嫻習兵事

曾謁張橫渠著有滴水集四十卷

謁隱士毀庭

人生何多謀常苦饑寒侵裘完甑有炊於世澹無心
築室青澗曲窈窕幽徑深閉門長松下歲無車馬音
古書束高閣兀然遺履簪悠悠不記年日月徒光陰
兒童城市還得酒或自斟隱几望南山閒雲起孤岑
十一月二十二日朝辭

朝辭承明殿幕下金馬門伏讀明詔意仰思聖主恩
蠹彼獯鬻民禮數乃弟昆帝初爲息民縉帛代更屯
嗣皇謹遵業使傳交塞垣下臣非知古有舌詎得論

恭承丁寧命敢不夙夜祚

辛順忠唐得道之士真身今在河州寺

少年遊嵩邱登高悟獨見西遊渡龍坂脫屣古河縣
削髮俗網裂絕味諸漏斷臥脅三十年凝塵滿羌簞
六月大地焦爐中結水霰牛頭寶旃檀降出九重殿
正就寂滅時泉竭悲禽散直從開元初到今色不變
破屋閉真相野鼠嗅香篆時有碧眼人的乳供新獻

和沈潛誠崔氏園九尾龜

天生神物非偶然此龜不知今幾年世傳一尾直百
歲計應生在晉魏前長江不掛豫且網得來佳處遊

赫泉穹然蒼甲大如屋欲負三山翔羣仙奇宮偶卦
天地位爻畫復出大易先惟昔寧王重爲寶閼藏欲
求萬世傳今茲此寶世莫識但愛金字毛綠鮮仰視
朝陽俯引氣一閉千息常綿綿默然無言觀物化壽
比彭篋猶更賢陰陽靈異固莫測時或輕舉來巢邊
移官慶陽過平定縣

春郊二月浴蠶時傍岸溪流可染衣谷轉城深驚柳
暗地寒春早見花稀三年厭應西峰急千里重隨北
鳥飛若問前籌慚潦倒欲辭虎帳訪魚磯

王穀推畫草蟲花竹求詩

細雨爭飛翠萼長
窗間留影點綃光
寧知臂朽專螭翼
但見心精妙楮芒
詩學蟲魚增舊譜
藥圖草木驗仙方
請君放筆閒高臆
縱意雲龍五色章

過香積寺

迂轍來尋昔歲題
恍然前世意猶迷
荒庭老樹半空腹
壞塢野禽爭暮棲
晚學盡驚新使節
殘僧時認舊沙彌
松房自出成何事
二十餘年東復西

酬晉侔徐發承議

默默窮年逐眾行
杯浮物界竟何成
交遊似夢逢還去
世事如塵掃更生
未訪故溪丹一葉
空嗟短髮雪

子莖病衰易感傷搖落一夜西風枕上驚

送趙侗承議致仕歸

聊爲五斗陶元亮却愛三龍邴曼容
蕙帳曉空驚怨鶴客衣夜薄感寒蛩
江邊朝露半紅葉天際晚晴多碧峯
漠漠長處盡雙鳬飛去曉雲重

曹參廟

百戰皆收第一功幾回傍歎泣良弓白頭始識人間
事歸向東州問蓋公

以上潘水集

林迥

厲有

留題宿猿洞

幾年形勝晦南州，一旦聲名藹湛侯。
夜色併來三島月，水光分破五湖秋。
荔枝影裏安吟榻，紅藕香中繫釣舟。
金印解還天子後，詔書重起不同頭。

三山志

靈峯院

門前紅日海千里，池上白蓮山四隣。

同上

周諶

毘陵人，元豐二年進士，官太常博士、監左藏庫。

送程給事知越州

公應夙世作詞臣，文采飄飄入眼新。
畫燭排空滕閣夜，紅旌照海越臺春。
新篇錦繡盈南國，舊德鵷鴻綴

北辰白髮會稽還臥鎮直將生理付陶鈞

風煙初別武王臺更向金河握節回

虜中有金河渡

日月遠

顏天縹緲塵沙吹面玉摧頽試看紫府鷲鸞去又見

長安駟馬催欲作東州遺愛錄自慚詞筆乏鄒枚

會稽

掇英續集

李丹

江西瑞州筠陽人元豐二年進士大觀己丑權

知英州

留題眞陽南山

南山地久與天長磐石安基勢永昌億世皇圖齊不

宋詩二十三
拔萬年聖壽等無疆

廣東通志
金石畧

宋詩紀事補遺二十三男侍讀銜內閣中書樹藩校